

CONVENIO DE COLABORACIÓN ENTRE A CONSELLERÍA DE POLÍTICA SOCIAL E XUVENTUDE E A FUNDACIÓN PARA A PROTECCIÓN DE DISCAPACITADOS PSÍQUICOS DA COMARCA DE BARCALA PARA O FINANCIAMENTO DO PROXECTO DE ACTIVIDADES ADAPTATIVAS E VIDA NA COMUNIDADE DESTINADO ÁS PERSOAS CON DISCAPACIDADE, NO EXERCICIO 2023

MEMORIA XUSTIFICATIVA

A Comunidade Autónoma de Galicia, segundo o establecido no artigo 27.23 do Estatuto de autonomía de Galicia, en consonancia coa habilitación competencial outorgada ás comunidades autónomas polo artigo 148.1.20 da Constitución española, ten competencia exclusiva en materia de asistencia social polo que, na súa virtude, se aprobou a Lei 13/2008, do 3 de decembro, de servizos sociais de Galicia.

A Consellería de Consellería de Política Social e Xuventude é o órgano superior da administración autonómica ao que lle corresponde as competencias en materia de servizos sociais, e consecuentemente a atención do colectivo de persoas con discapacidade, conforme ao Decreto 124/2022, de 23 de xuño, polo que se establece a estrutura orgánica da Consellería de Política Social e Xuventude.

A Fundación para a protección de discapacitados psíquicos Comarca de Barcala foi clasificada como de interese social por Orde do conselleiro da Presidencia e Administración Pública e Xustiza do 26 de novembro de 1997, e declarada de interese galego por Orde do conselleiro de Sanidade e Servizos Sociais do 5 de decembro de 1997, figurando inscrita no Rexistro de Fundacións de Interese Galego co número 1997/17 e ten por finalidade a integración das persoas con discapacidade psíquica no seu entorno tanto laboral como social.

Actualmente, a fundación está baixo o protectorado da Consellería de Política Social e Xuventude en virtude da Orde do vicepresidente e conselleiro de Presidencia, Administracións Públicas e Xustiza do 2 de febreiro de 2016 pola que se modifica a adscrición de determinadas fundacións de interese galego e se ordena a súa adscrición ás consellerías competentes para o exercicio das funcións de protectorado.

Así mesmo figura inscrita no Rexistro de Entidades Prestadoras de Servizos Sociais co número E-1050.

A Fundación para a protección de discapacitados psíquicos da Comarca de Barcala é titular dun Centro Ocupacional que acolle a persoas con discapacidade psíquica coa finalidade de preparalas para o acceso a formas de vida normalizadas, mediante a realización de actividades nun réxime o máis semellante ao normal, para incrementar a súa autonomía e ser máis activas e visibles na vida da comunidade.

A Fundación para a protección de discapacitados psíquicos da Comarca de Barcala leva a cabo o Proxecto de actividades adaptativa e vida na comunidade no exercicio 2023.

Conforme ao exposto, é do interese da Consellería de Política Social e Xuventude subscribir un convenio de colaboración coa Fundación para a protección de discapacitados psíquicos da Comarca de Barcala para o financiamento dos gastos derivados da execución do Proxecto de actividades adaptativas e vida na comunidade destinado ás persoas con



discapacidade psíquica.

A Fundación para a protección de discapacitados psíquicos da Comarca de Barcala desenvolve no ámbito da Comunidade Autónoma galega proxectos para a mellora da calidade de vida das persoas con discapacidade intelectual, dispoñendo da experiencia, capital humano e medios axeitados para desenvolver esa atención, susceptibles de ser subvencionadas polo procedemento de concesión directa ao abeiro do disposto nos artigos 19.4 c) da Lei 9/2007, do 13 de xuño, de subvencións de Galicia, e no 36 c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

A Fundación leva a cabo un proxecto na área de axuste persoal e social e de inclusión na comunidade a través de distintas actividades dirixidas á persoas con discapacidade. A metodoloxía utilizada baséase na adaptación á persoa usuaria a través dunha variedade de procedementos e adaptacións metodolóxicas, empregando diferentes vías de acceso para presentar os contidos, para que estean ao seu alcance e que dean resposta ás súas necesidades evitando situacións de fracaso.

Tendo en conta por unha banda a especificidade do proxecto polas características da actividade que se vai financiar, o colectivo ao que van dirixidas, e a ausencia no ámbito territorial de aplicación de entidades alternativas que dispoñan da infraestrutura material e medios humanos esixibles; e por outra a súa adecuación ao ámbito competencial da Consellería de Política Social e Xuventude, conforme ao previsto no Decreto 124/2022, do 23 de xuño, polo que se establece a súa estrutura orgánica, en tanto que se trata de persoas con discapacidade intelectual, e as específicas necesidades inherentes ao colectivo ao que van dirixidas, considéranse razóns que acreditan o seu interese social, quedando xustificada a imposibilidade de promover a concorrència pública en aplicación da Lei 6/2022, do 27 de decembro, de orzamentos xerais da Comunidade Autónoma de Galicia para o ano 2023, en relación do artigo 19.4 da Lei 9/2007, do 13 de xuño, e ao Decreto 11/2009, do 8 de xaneiro.

O obxecto do presente convenio e a concesión dunha subvención á Fundación para a protección de discapacitados psíquicos da Comarca de Barcala para o financiamento dos gastos derivados da execución do Proxecto de actividades adaptativas e vida na comunidade destinado ás persoas con discapacidade, no exercicio 2023.

O obxectivo e acadar as habilidades básicas relacionadas co mundo prelaboral, que a posteriori lles proporcionarán autonomía e independencia, o que lles permitirá unha maior integración no entorno.

O Proxecto de actividades adaptativas e vida na comunidade no exercicio 2023 comprende seguintes actuacións:

1. Actividades da vida diaria. Aprendizaxe autónomo de actividades como colocación de mesa, servir a comida, recoller a mesa, poñer a louza no lavavaixelas, limpeza da cociña, así como a aprendizaxe de comidas sinxelas. A adquisición destas habilidades favorecen a autonomía e integración social, xa que a aprendizaxe realízase en contextos naturais.
2. Actividades de hábitos de vida saudable. Aprendizaxe das medidas de hixiene corporal, os pasos do proceso de ducha e os produtos de hixiene corporal.



3. Adestramento en habilidades sociais e comunicativas. Aprendizaxe dirixida a incrementar a competencia social e a adaptación ao medio, cos seguintes obxectivos:

- a) Respetar o estado emocional do resto das persoas.
- b) Verbalizar o enfado ou tristeza e entender o que lle pasa.
- c) Participar activamente nas actividades de contacontos que organiza a Fundación

4. Actividades coas novas tecnoloxías. Aprendizaxe na utilización das novas tecnoloxías como preparación para o mercado laboral e para a integración na sociedade actual.

5. Actividades de habilidades cognitivas, coa finalidade de que a persoa usuaria adquira os compoñentes cognitivos necesarios que lle proporcionarán autonomía e independencia. Os obxectivos son:

- a) Comprender unha orde e levala a cabo.
- b) Manter a atención cando se lle está explicando algo .
- c) Manter os coñecementos adquiridos a nivel numérico e de lectoescritura.

6. Actividades de inclusión na vida na comunidade que comprenderá:

a) Actividades de representación de contacontos: representación en diferentes contextos sociais, colexios e locais sociais da comarca.

b) Actividade de inclusión no horto didáctico, que se realizará no Centro Público Integrado San Vicente da Baña, e que consiste na colaboración cos profesionais que traballan no horto ecodidáctico para levar a cabo as tarefas que se realizan no horto xunto co alumnado do colexio.

Para o cumprimento da finalidade prevista neste convenio a Consellería de Política Social e Xuventude achegará quince mil cincocentos vinte e cinco euros (15.525,00€) que serán imputados á aplicación orzamentaria 13.04.312E.481.1 dos orzamentos xerais da Comunidade Autónoma de Galicia para o ano 2023 Dita cantidade destinarase a gastos de persoal para o desenvolvemento das actividades contempladas no convenio. Este financiamento terá vixencia desde o momento da sinatura do convenio ata o 31 de decembro de 2023, con efectos económicos desde o 1 de xaneiro de 2023.

Asinado dixitalmente en Santiago de Compostela
O director xeral de Persoas con Discapacidade
Fernando González Abeijón

